

松桃直隸廳志

地360.05
136



松桃廳志卷之四

形勝

松桃城建巖疆地居險要山延川脈水瀉楚流羣苗
納結程以樂輸將軍府練貔貅而資控制藩籬東北
保障西南雖一隅哉足爲全黔重矣志形勝

西接酉陽東連黃蠟處萬山之阻扼羣苗之吭

通志

二水環城千山抱郭五老巍峩而聳翠七星崩巖以
標竒鎖洞臨江束文瀾之浩淼雲羅鑄印貌武畧之
崢嶸遠則猿跳雙峯天設巖城鎖鑰近則螺浮一點

松桃廳志

卷之四

形勝

秀培藝苑菁莪南屏峻入青雲響水高懸白練峯擁
榴坡之障山磴曲盤水滌洛浦之清江流峭折二疆
繡壤四達方州

松城八景

蓼草春眺

松江晚渡

雲羅聳翠

秋螺迴瀾

屏山烟靄

響水泉飛

石灘瀉浪

文筆凌雲

按城西六十里孟溪地爲松桃一大鄉鎮距兩河口六里百貨輻輳商賈雲集郡士紳多居於此田亦膏腴乾隆六十年燬於苗是歲災餘宅無幾當即修葺仍復舊觀地有八景曰高閣臨江曰二水拖藍曰南屏聳翠曰東臯舒嘯曰文筆凌雲曰仙掌映月曰紅樹烟雨曰龍泉春深上人題咏甚衆

松桃廳志

卷之四

形勝

二

備錄其景以志靈秀焉至平頭司及各汛類皆有景分載於山水中茲不具錄

山川

扶輿磅礴之氣必有所鍾山川者氣之凝結而流通者也黔固山國而松廳尤甚原隰墳衍之地百不得一焉山之蜿蜒綿亘隨地異名者難更僕數矣其脈絡所分名勝所托與夫險要所關保障所寄例得書焉川則盈盈一帶舟筏可通溪瀨之潑紆井泉之噴薄均足利田疇而資灌溉此亦何可畧哉志山川

觀音山

城東南里許疊石為層孤圓峭拔山麓江水縈繞隔江遙望形如觀音坐蓮

玉屏山

城東南里許山面宏敞對峙松城形如屏風山下村寨鱗比田畝膏腴自南迤東江水環

松桃廳志

卷之四

山川

繞與雲吐霧

一郡壯觀

牛場坡

城東五里來龍最遠支脈繁多山腰平地數畝郡人資以芻牧

飛靈山

城東南十五里山勢巍峩延袤十餘里左連七星峯右接望城坡凡晴久雲生即時致雨

鄉民建立寺

觀祈禱甚眾

望城坡

城東十五里羣峯攢擁溪水環流高可五里盤折而登曲徑犖确上至坳地復平坦俯首

四望衆山皆小城郭村落指顧分明

雲羅壁

城西南二里形如天馬頭尾高而中凹四面石壁高百餘丈頂寬平可容萬馬僅有兩小路可上前人設卡於此石牆在焉雍正八年逆苗滋擾難民避處其上乾隆六十年逆苗再擾鄉民仍就之避難據聖札守苗衆圍壘三晝夜為雲霧遮蔽不見人影各散去全活

生命二千餘口

仙人嶺

城西南三里形如寶蓋懸巖峭壁不可攀躋山腰巖穴中度石箱數口相傳仙人藏物其

內取之者輒致雷鳴

登高坡

城南對案山也山不甚高為松桃近案自雲落壘過脈起伏里許至城南中起三頂竹木

蔥蒨在頂下建飛山廟右頂下建文昌宮中頂下建崧高書院基址毗連互相輝映形

勢在東南巽隅蔚然主文明之象每歲重九士人携酒登臨城堞街衢歷歷在目

七星坡

城南二十五里七峯連絡如石笏然上有坳為往來要路夏秋涼風最多行者就此納涼

徘徊而不能去山後長岡起伏遠與來龍坡接城南一巨嶺也

石榴坡

城南三十里山形峻聳高約十里許石泉噴薄古木陰森昔也人跡罕經今則路通川楚

松桃廳志

卷之四

山川

二

縈紆一線為郡屬扼要之區

蓼臯山

城內西南隅狀若伏虎頂建文武兩廟學署在焉山麓四圍皆人家住宅左枝結廳署

中枝結協署右枝結都司守備署乙卯苗變圍城山凸上安大砲一座逆苗不敢近隔河

民房賴以不燬

獅子山

城西南三里脈發九龍坡行度起伏結成黑石峯巒形若獅山腰小峯如毬山麓小溪環

繞為郡城輔佐山

九龍山

城西七里形如削筍挺立孤圓山頂常有雲霧天將晴罩霧即散山腰脈發九枝形若九

龍蟠挈四出昔人呼為文筆山

五腦峯

城西七里一名五老山五峯排立面面相顧郡城由此發脈

鵲巢山

城西二十里其山廉貞火星五七相連左枝走川屬右枝出脈專結松城重峯疊巘樹木

陰翳山巔陡峻絕人攀躋

爭鎖嶺

北門外關鎖水口山也頂圓如蓋面削如牆峭壁臨江石作赤色洞最幽闊大小江水奔匯於前深迥東去水中有巨石漁者坐以垂釣烟波蕩漾望之若仙又名掛榜山是年紅石間白色定

王科名之兆

迴瀾峯

北門外半里突起小峯迴注兩江之水穹巖卓絕砥柱中流上有閣飛簷峭拔文人甚暑邀涼深秋眺遠最為幽勝

老鷹巖

北城外後山長岡軒翥庶草蕃滋郡人資以遊牧頂有石若老鷹形重九日官僚就此登高協營操演官兵跑坡奪旗亦在於此

松桃廳志

卷之四

山川

三

筆架山

城東北十里五峯連矗實應文章之瑞山麓溪水縈紆替山助媚朝嵐暮靄蒼翠相連

下馬巖

城東北二十里懸巖陡峭頂上雲霧夏秋不散冬春間常凝積雪旁有洞響水長流天旱禱雨輒應相傳有龍蟠其窟路通楚曲徑紆迴其最險處難容輿馬仕宦過此亦須步行

迴龍山

城東南五十里在構皮汎西頂分二峯嘉慶二十年居人建觀音閣其上

來龍坡

城東南六十里在正大汎西北由湖南濫草坪發脈歷盤石大小紅巖過構皮至正大營

聯絡五十餘里

正乙山

城東南六十里在正大汎南頂有泉有洞居人建菴其上

八十坡

城東南六十里在構皮汎西分枝劈脈蜿蜒四布

銅巖

城東南六十里在巖坳東南河中兩水相交處

大將軍山 城東南七十五里在正大汎南上有石壁高五尺寬三尺白心黑沿遠視如碑

小將軍山 城東南七十五里在正大汎南

紅旗山 城東南七十五里在正大汎南

觀音巖 城東南六十五里在正大汎南

背子巖 城東南七十里在正大汎南形如負子

砲樓坡 城東南二十里在太平汎東上有營塚遺跡相傳前人於此架炮堵禦逆苗

石馬山 城東南二十里在太平汎龍頭營側山體純石狀如馬色明主晴色暗主雨

香爐山 城西南五十里在平頭司東地名平土洞山勢拔出羣峯樹林蔭翳形如香爐

牯羊壘 城西南五十五里在平頭司南

松桃廳志 卷之四 山川 四

雞公壘 城西南三十五里在平頭司西南樹木叢雜頂有石其形如雞

森巖山 城西南五十里在平頭司山高林密蓊勃如雲

笑天龍坡 城西南五十里在平頭司東山頂陂陀作仰天狀

石龍巖 城西南五十里在平頭司北河中石形如龍

觀音山 城西南六十里在石峴衛東山勢莊嚴前有小山作童子朝拜狀

九牛山 城西南六十里在石峴衛西蹲布如牛

琴閣山 城西南一百二十里在烏羅司西山肖琴形傍有三石柱森然卓立形如人作聽琴狀又名姊妹石

龍角山 城西南一百二十里在烏羅司北與觀音山連

觀音山

城西南一百二十里在烏羅司城北居人建菴於巖窟中菴內有泉菴外有洞洞外建亭號禮懋亭山勢磅立如削又名觀音園

迎虹山

城西南一百二十里在烏羅司豐樂場後山右有穿巖穴空如橋

林箐山

城西南一百二十里在烏羅司南接梵淨山綿延一百餘里為松桃祖脈自界牌過峽出岑心坡以達廳城

貧人壘

城西南一百二十里在烏羅司西山形聳拔狀如人立頂平可容數百人頂有泉飛流而下為湧布水

岑團壘

城西南一百二十里在烏羅司境俗傳宋時五女征蠻聚兵於此

蜂巖

城西南一百二十里在烏羅司境最為險峻

松桃廳志

卷五

山川

五

紅樹嶺

城西南一百二十里在孟溪地層巒疊嶂遇晴久結霧必雨

南屏山

城西南六十里在孟溪一名掛榜山

東臯山

城西南六十里在孟溪

文筆山

城西南六十里在孟溪

仙掌山

城西南六十里在孟溪五山排列形如仙掌

輿梁坡

城西南六十里在烏羅司境端拱轟雲收束孟溪諸水

天馬山

城西南六十里在烏羅司境雲銜霞轡天矯凌空

石塔坡

城西南六十里在烏羅司最險隘

尖巖

城西五十五里在振武汛中流砥柱雄峙水口上有菴院居民時拜禱焉

梓山城西二百一十里在麻兔司西南山頂平坦可容數萬人又名馬腦山寺在山腹

九龍山城西二百七十里在麻兔司西南脈分九股高挿雲表山石峻峭建有佛寺名小梵淨山

上有水四時不竭陟其巔松銅數百里一覽而盡

石筍山城西二百一十五里在麻兔司西高數十仞淨石無土崢嶸峭拔為麻兔司各勝之山

九嶺岡城西二百里在麻兔司北橫亘二十餘里川黔取運必越此岡

觀音山半石上建寺宇地最幽勝古樹蒼翠望之蔚然寺僧於寺中培養花木四時不斷為松郡奧區

天堂山城西北四十里在大塘汎東上有最靈洞洞內天生石鼓石鐘以石擊之其聲宛肖

茶園山城西北四十里在大塘汎南下有洞居人望氣以占晴雨上有寺觀

松桃廳志

卷之四

山川

金鐘山城西北四十里在大塘汎小寨寅東形勢嵯峨下有泉狀若象鼻灌田數百畝

太華山城西北六十五里在大塘汎小寨寅山形如佛龕立霄漢原建寺觀乙卯燬於苗

狗腰坡城西北八十二里在壩得汎岑洞寨狀如老人偃僕而行半山巖穴中方土如印

包金壘城西北八十六里在壩得汎洞口左朶酌峯右猪槽巖三山並峙各距半里壘最崢嶸苗人昔據為阻承平

後遂為汎境勝地

猴兒跳城西北九十里在壩得汎東北兩岸懸巖上狹下闊中通舟楫其上虬木相交猴能緣枝而渡

轎子山故名城北二十里在落塘汎東上稿坪南山勢峭拔上覆巨石如轎頂然半山有泉飛流下注

居人就此水修三堰灌田數千畝

水口山 城北十五里在落塘汎形勢險要兩山圍繞
週匝不辨水之去向落塘因此得名

大山坡 城北七里落塘汎南山形高聳蔚然深秀

馬鞍山 城北五里在落塘汎老松桃西形如馬鞍首
尾畢肖

朝笏山 城北六十里在木樹汎西北形似朝笏

轎子山 城北五十二里在木樹汎東南以形似與落
塘汎山同名上有寺

護龍坳 城西南六十里在石峴汎南得勝坡後山勢
圍繞如護衛然

八石坡 城西南六十里在石峴汎東八石排比峭特
嶙峋

木降山 城西南一百三十里在烏羅司東

管城山 城西南一百二十里在烏羅司西羣峯擁簇
狀如筆陣

松桃廳志 山川 七

大方山 城西南一百里在石梁與管城山聯絡頂有
鹿池又名岑賈山

營基山 城西南一百里在烏羅司西與大方山相連
山下有溪名桂蔭溪

圍羅山 城西南一百里在烏羅司西綿亘數十餘里

轎子山 城西二百一十里在麻兔司東山形端正雄
峙一隅按轎子山有二一木樹汎一落塘汎

亮眼巖 城西南八十五里地名落袍臨江一巖突兀
而起中通一眼朗透天光

石梁山 城西南一百二十里白石長亘綿延繞抱若
長虹然又名長虹山又名仁老山頭接秀山

尾蟠安化腰有仙人洞由洞口進約半里至
石盤盤上有水四時不斷洞盡處忽然開朗

時時有霧升降愈晴愈霧與他洞殊頂有執
笏巖高約八九丈前有石筍峯形如新篔簹解
籜與山對峙

石筍巖

城東北二十里在大平茶汛補正洞河岸石高數仞尖秀如筍

落水洞

城西北十八里在落塘汛洞納爛泥溝水水溢之年反自洞出

洞口

城西北四十八里在大塘汛格當之水東入西出兩岸桃花彷彿武陵仙境

水源洞

城西五十里在大塘汛水從洞出灌田數千畝春夏間聲如殷雷

老龍洞

城北五十六里在大塘汛洞門上突出黃石如龍頭然洞內出清濁二泉灌田數里

仙景洞

城北八十里在木樹汛金星鎮戶白石成橋晴嵐晨飛野烟暮入清泉出其左池塘甃其右宛然

仙窟

消水洞

在烏羅司北洞納上下毛牌二水在迎水寺山麓

堡子洞

在烏羅司北納團龍水出瀑布巖至冷水溪入松河

松桃廳志

卷之四

山川

潭子洞

在麻兔司下有小溪溪上有巖晴久虹現則雨雨久虹現則晴以巨石投溪中虹輒隨波而起須臾復入

而起須臾復入

謝家洞

城西南六十五里在孟溪舊城洞內有小井二甚早不竭相傳昔有二龍一由頂出一由

底出由頂出者至今尚有石槽灣環數折宛似龍跡由底出者今釀為潭潭多魚禱雨輒應又朝陽寺左一洞內有石形如龜大可數圍亦在舊城

圍亦在舊城

幹串洞

城西南四十五里在孟溪洞最闊乾隆六十年苗變避難者數百家

油蓬洞

城西南十里在孟溪內湧清泉油蓬田畝賴以灌蔭

大龍洞

城西南七十里在孟溪內有泉水源最大可灌田數千畝

柳瓦洞

城南三十五里在麥地汛可容數百餘人內有大石一擊之如雷名地雷石又有鑼鼓石

獨樹洞

城南七十里在正大汎洞有三門第一進有石獅二第二進有石山一團圓三丈第三進平坦土人呼為干坵田

松桃河

由此而進莫知所止
一由山羊溪發源一由華茶溪發源距城一百三十里二水匯於石萬壘合流十餘里至大魚泉地烏羅司之水入焉又其下謝家溝之水入焉又三十餘里至雙龍壘蠟山洞犀牛洞冷水溪三水入焉又歷落袍耿溪第瀛也江平洞大路河樓閣至兩河口木耳溪孟溪之水入焉歷仁武壘長灘五里許苗隘之水入焉歷龍家堡敖家堡尖巖岑照營至地耶河桂板之水入焉又十餘里至凱皮砲裏之水入焉順流三里許至平城石峴之水入焉其大平場水則由龍頭營以入石峴太平汎水石柳溪水則由高車以入石峴者也四里許至牛角河樟桂溪之水入焉十里至城東北門雀子坳苦竹山二水入焉即城西小河

松桃廳志

卷之四

山川

九

也至石板灘三里許也到之水入焉其馬乾溪大灣響水洞三水由小巖桂合流過也到以匯於石板灘者也至稿坪大門洞之水入焉至落塘雞爪溝大塘之水入焉至石花堡二十餘里乾溪之水入焉歷八樓堡至木樹二十餘里石龍河之水入焉歷潮水溪晚森二十餘里至三岔河川河楚河松之也架河三水合焉由此入楚之茶洞自發源至此共二百二十里

華茶溪

由四川秀山縣平茶里岑龍發源歷二十餘里至松屬石萬壘與山羊溪合即松桃河

烏羅司河

城西南一百二十里由界牌溝寨朗溝毛溪溝三處發源入消水洞暗渡觀音迎水諸山四十餘里出

凱塘溪

城西南五十里由水源頭發源至大榴與乾壩溪水合入孟溪河

甘壩溪 城西南七十里由白巖關發源至大榴與凱塘溪水合入孟溪河

孟溪河 城西南六十里由得勝關發源歷山口木耳溪青石溪白石溪龍頭山平南為九十九度

水至黃金幹石梯子至文昌閣匯凱塘溪甘壩溪二水又歷小寨鞍子山八七九斗盤帶

至兩河口匯五溪之水以入松河

鎮江營河 城西南四十里由甘溪發源至尖巖入松河

苗隘水 城西南五十里由九江里破巖發源至長灘入松河

桂板水 城西南三十里發源至地耶河入松河

飽裏水 城西二十五里由秀山縣總嶺坡發源經飽裏出凱皮河入松河

石峴河 城南六十里由三保營發源繞松香坪石峴西流過巖塘田家庄老寨東流至平頭司灌

松桃廳志

卷五

山川

十

田數千畝歷柑子園至小兩河口入頭經小溪水過隘門下堡石馬龍頭營長柳營高車

入石柳溪太平營二水至平城匯四溪之水與孟溪河合入松河

大平場水 一由朋井發源一由媒人巖發源至后水門合流至龍頭營合石峴水以入松河

樟桂溪 城東南二十里由十里坡發源過杉木坳老寨枇杷塘至巖窠寨入松河

七到河 城東北五里一由馬乾溪發源一由大灣發源至巖脚合一由響水洞發源至到水三水

合流迴繞七到至石板灘入松河

西門小河 一由雀子坳發源過矮壘大壩一由苦竹山發源歷增崩沙坪二水均匯於小兩河

口歷雞榜坡至西門老城洞循城而南注於東北入松大河南門東門之橋均跨此水焉

大塘汎水 由五里牌發源歷中寨瓦廠彭宗過下彭宗出落塘汎雞爪溝入松河

石龍河

城西北五十九里由地龍等發源過白底塘柳脚等地至此羣峯攢聚一線中通河內有石龍九節由南過北水由石龍流過架有木橋上通松城下達楚省數百步外有石坎千尋壁立水下如飛至木樹虎渡口入松河

三岔河

城西北九十五里右有湖南河左有四川河及松屬七架河三水交流中有沙洲昔名曰三不管至洲下合流入楚

龍潭河

城北九十里在壩得汛上麻家寨之南源最大每日三潮居人建修三堰灌田萬餘畝其水歸七架河匯流至三不管入楚

巖場河

城東南六十里由松屬澆水塘保龍坪發源繞銅巖匯眾細流入湖南烏巢河

構皮河

城東南六十里由湖南西涼田坪發源過來龍坡至大樹坡前人欲修堰引水至正大營

松桃廳志

卷之五

山川

十一

因圳溝難成王廢至麻州合紅水洞過構皮橋至關舟營新福橋有生成石堰一道名響水洞其水將晴將雨之際聲傳數里從此而下兩岸壁立至河界營設有渡船流入銅仁小江兩岸田畝俱資灌養

麥地河

城東南三十里由地甲司發源暗地穿過鉛廠老屋場由雷公洞出過麥地橋至老寨洞與都庫營大平橋水合流出張家溝至河界營上首兩岔河與官舟營河匯入銅仁小江穿洞河兩岸田畝俱資灌養

盤石溪

城東二十五里左流水由龍洞發源過盤石汛西門橋右流水從十八棧發源過水門橋二水合流至下盤朶響水洞出鑿刀灣偏巖平所至到水與大灣馬乾溪三水合流繞七到至石板灘入松河兩岸田畝俱資灌養

石梁河

由大坳關發源流出印江一百八十里不通舟筏復自石梁歷烏巢安化境屬三十里至龍洞出烏下里烏溪洞折出泗泗塘與思南府治界木桶水合流出印江縣屬此水在石梁灌溉甚衆分東西兩溝東溝屬下壩西屬上壩

麻兔司河

由秀山縣平茶里百歲發源流入司境繞過村寨至烏陽壩入洞出甘龍口流至關子門入川河

巖窠洞水

由九龍山發源出武官壩下甘龍口至茫登橋下關子門流入川河設有渡水源出西嶺圍羅山下與石梁河合

麥子溪

會龍溪

桂蔭溪

水源出誥軸山後高巖嶺至大板橋與石梁河合

松桃廳志

卷之五

山川

三

大水溪

桂漸溪

桂石溪

底石溪

以上四溪在麻兔司

老龍泉

泉出山麓清流不息灌養田畝甚遠晴久禱雨有驗

白馬泉

出細鱗魚

寨榜泉

出魚多種乾隆年間水乍消後禱復出水能灌田以上三溪在孟溪

混水泉

在麻兔司

紅魚泉

在麻兔司

豐收堰 在麻兔司

富田堰 在麻兔司

金花橋堰 在石梁

迴龍橋堰 在石梁

黑塘 城南四十里在盤石營自乾隆年間水漲塘釀

旬日始消至嘉慶十三年水復釀至中街民房
湮沒居人將石板坳另疏一溝其水自洩店民
始安

幹串塘 在孟溪塘闊數十畝水消塘中暗流寨陽

松桃廳志卷之五

關隘

易曰王公設險以守其國險之時義大矣哉地險山川邱陵也松郡東北界楚西北界蜀接壤半係苗區山之險足為松城保障者雖境內必書志衛也其遠者重山複嶺高插雲漢羊腸逼仄一夫可以當關舉得以隘目之至以河為界之處地或平行之怒流急湍以為之阻然炊烟兩岸雞犬相聞而界至分焉不可畧也志關隘

松桃廳志 卷之五

關隘

下馬巖

城南二十里路最崎嶇險窄處必須步行通正大營以達楚未關前蠶叢魚鳧殆不是過

岑茶坳

城南五十五里兩山對峙路徑紆迴盤曲而登古木葱蒨往來行人至坳必憩息以定喘南廳屬北鎮遠縣屬

涼亭坳

城東南二十五里山勢高聳係黔楚要道栽巖坳汎設此乙卯苗變苗人將路挖斷阻絕行人苗平後重加修理遂成大道

上馬乾溪

城東二十五里山形陡峻高約數里上設有泥堡駐防係康金盤石要道距湖南永綏界六里

天心坡

城西北三十五里坡勢險隘高五六里與馬不可行山頂點綴分界左廳屬右川屬

爆木山

城北四十里上設塘山南即秀山地乙卯年逆苗石柳鄧率苗眾數千劫掠秀山邑海